

האצל יקח מכם עמדתו<sup>12</sup> כי חלה לטוב  
 יושבת מרות כי ירד רע מאת יהוה  
 לשער ירושלם<sup>13</sup> רתם המרכבה לרכש  
 יושבת לכיש ראשית חטאת היא לבת  
 ציון כי בך נמצאו פשעי ישראל<sup>14</sup> לכן  
 תתני שלוחים על מורשת גת בתי אכזיב  
 לאכזב למלכי ישראל<sup>15</sup> עד הירש אבי לך  
 יושבת מרשה עד עדלם<sup>pQ</sup> יבוא כבוד  
 ישראל<sup>16</sup> קרחי וגזי על בני תענוגך  
 הרחבי קרחתך כנשר כי גלו ממך ם

2 הוי חשבי און ופעלי רע על משכבותם  
 באור הבקר יעשוה כי יש לאל  
 ידם<sup>2</sup> וחמדו שדות וגולו ובתים ונשאן  
 ועשקו גבר וביתו ואיש ונחלתו ף  
<sup>3</sup> לכן כה אמר יהוה הנני חשב על  
 המשפחה הזאת רעה אשר לא תמישו  
 משם צוארתיכם ולא תלכו רומה כי עת  
 רעה היא<sup>4</sup> ביום ההוא ישא עליכם משל  
 ונהה נהי נהיה אמר שדוד נשדנו חלק  
 עמי ימיר איך ימיש לי לשובב שדינו  
 יחלק<sup>5</sup> לכן לא יהיה לך משליך חבל  
 בגורל בקהל יהוה<sup>6</sup> אל תטפו יטיפון לא  
 יטפו לאלה לא יסג כלמות<sup>7</sup> האמור בית  
 יעקב הקצר רוח יהוה אם אלה מעלליו  
 הלוא דברי ייטיבו עם הישר  
 הולך<sup>8</sup> ואתמול עמי לאויב יקומם ממול

# Micah

## מיכה

1 דבר יהוה אשר היה אל מיכה  
 המרשתי בימי יותם אחז יחזקיה מלכי  
 יהודה אשר חזה על שמרון  
 וירושלם<sup>2</sup> שמעו עמים כלם הקשיבי ארץ  
 ומלאה ויהי אדני יהוה בכם לעד אדני  
 מהיכל קדשו<sup>3</sup> כי הנה יהוה יצא ממקומו  
 וירד ודרך על **במותי** **במתי** ארץ<sup>4</sup> ונמסו  
 ההרים תחתיו והעמקים יתבקעו כדונג  
 מפני האש כמים מגרים במורד<sup>5</sup> בפשע  
 יעקב כל זאת ובחטאות בית ישראל מי  
 פשע יעקב הלוא שמרון ומי במות יהודה  
 הלוא ירושלם<sup>6</sup> ושמתי שמרון לעי השדה  
 למטעי כרם והגרתי לגי אבניה ויסדיה  
 אגלה<sup>7</sup> וכל פסיליה יכתו וכל אתנגיה  
 ישרפו באש וכל עצביה אשים שממה כי  
 מאתנן זונה קבצה ועד אתנן זונה  
 ישובו<sup>8</sup> על זאת אספדה ואילילה אילכה  
**שילל** **שולל** וערום אעשה מספד כתנים  
 ואבל כבנות יענה<sup>9</sup> כי אנושה מכותיה כי  
 באה עד יהודה נגע עד שער עמי עד  
 ירושלם<sup>10</sup> בגת אל תגידו בכו אל תבכו  
 בבית לעפרה עפר **התפלשתי**  
**התפלשי**<sup>11</sup> עברי לכם יושבת שפיר עריה  
 בשת לא יצאה יושבת צאנן מספד בית

Q Marks a place where we agree with BHQ against BHS in reading L.

p We read punctuation in L differently from BHS.

וקדר עליהם היום <sup>7</sup> ובשׁו<sup>c</sup> החזים וחפרו  
הקסמים ועטו על שפם כלם כי אין מענה  
אלהים <sup>8</sup> ואולם אנכי מלאתי כח את רוח  
יהוה ומשפט וגבורה להגיד ליעקב פשעו  
ולישראל חטאתו <sup>9</sup> שמעו נא זאת  
ראשי בית יעקב וקציני בית ישראל  
המתעבים משפט ואת כל הישרה  
יעקשו <sup>10</sup> בנה ציון בדמים וירושלם  
בעולה <sup>11</sup> ראשיה בשחד ישפטו וכהניה  
במחיר יורו ונביאיה בכסף יקסמו ועל  
יהוה ישענו לאמר הלוא יהוה בקרבנו לא  
תבוא עלינו רעה <sup>12</sup> לכן בגללכם ציון  
שדה תחרש וירושלם עיין תהיה והר  
הבית לבמות יער <sup>פ</sup>

**4** והיה באחרית הימים יהיה הר בית  
יהוה נכון בראש ההרים ונשא הוא  
מגבעות ונהרו עליו עמים <sup>2</sup> והלכו גוים  
רבים ואמרו לכו ונעלה אל הר יהוה ואל  
בית אלהי יעקב ויורנו מדרכיו ונלכה  
בארחתיו כי מציון תצא תורה ודבר יהוה  
מירושלם <sup>3</sup> ושפט בין עמים רבים והוכיח  
לגוים עצמים עד רחוק וכתתו חרבתיהם  
לאתים וחניתתיהם למזמרות לא ישאו גוי  
אל גוי חרב ולא ילמדון עוד  
מלחמה <sup>4</sup> וישבו איש תחת גפנו ותחת  
תאנתו ואין מחריד כי פי יהוה צבאות

שלמה אדר תפשטון מעברים בטח שובי  
מלחמה <sup>9</sup> נשי עמי תגרשון מבית תענגיה  
מעל עלליה תקחו הדרי לעולם <sup>10</sup> קומו  
ולכו כי לא זאת המנוחה בעבור טמאה  
תחבל וחבל נמרץ <sup>11</sup> לו איש הלך רוח  
ושקר כזב אטף לך לייך ולשכר והיה  
מטיף העם הזה <sup>12</sup> אסף אסף יעקב כלך  
קבץ אקבץ שארית ישראל יחד אשימנו  
כצאן בצרה כעדר בתוך הדברו תהימנה  
מאדם <sup>13</sup> עלה הפרץ לפניהם פרצו ויעברו  
שער ויצאו בו ויעבר מלכם לפניהם ויהוה  
בראשם <sup>פ</sup>

**3** ואמר שמעו נא ראשי יעקב וקציני  
בית ישראל הלוא לכם לדעת את  
המשפט <sup>2</sup> שנאי טוב ואהבי רעה<sup>רע</sup> גזלי  
עורם מעליהם ושארם מעל  
עצמותם <sup>3</sup> ואשר אכלו שאר עמי ועורם  
מעליהם הפשיטו ואת עצמתיים פצחו  
ופרשו כאשר בסיר וכבשר בתוך  
קלחת <sup>4</sup> אז יזעקו אל יהוה ולא יענה  
אותם ויסתר פניו מהם בעת ההיא כאשר  
הרעו מעלליהם <sup>פ</sup>  
<sup>5</sup> כה אמר יהוה על הנביאים המתעים את  
עמי הנשכים בשניהם וקראו שלום ואשר  
לא יתן על פיהם וקדשו עליו  
מלחמה <sup>6</sup> לכן לילה לכם מחזון וחשכה  
לכם מקסם ובאה השמש על הנביאים

<sup>c</sup> We read one or more accents in L differently from  
BHQ.

עולם<sup>2</sup> לכן יתנם עד עת יולדה ילדה ויתר  
 אחיו ישובון על בני ישראל<sup>3</sup> ועמד זרעה  
 בעז יהוה בגאון שם יהוה אלהיו וישבו כי  
 עתה יגדל עד אפסי ארץ<sup>4</sup> והיה זה שלום  
 אשור כי יבוא בארצנו וכי ידרך  
 בארמנתינו והקמנו עליו שבעה רעים  
 ושמנה נסיכי אדם<sup>5</sup> ורעו את ארץ אשור  
 בחרב ואת ארץ נמרד בפתחיה והציל  
 מאשור כי יבוא בארצנו וכי ידרך  
 בגבולנו ׀<sup>6</sup> והיה שארית יעקב בקרב  
 עמים רבים כטל מאת יהוה כרביבים עלי  
 עשב אשר לא יקוה לאיש ולא ייחל לבני  
 אדם<sup>7</sup> והיה שארית יעקב בגוים בקרב  
 עמים רבים כאריה בבהמות יער ככפיר  
 בעדרי<sup>pQ</sup> צאן אשר אם עבר ורמס וטרף  
 ואין מציל<sup>8</sup> תרם ידך על צריך וכל איביך  
 יכרתו ׀  
<sup>9</sup> והיה ביום ההוא נאם יהוה והכרתי  
 סוסיד מקרבך והאבדתי  
 מרכבתיד<sup>10</sup> והכרתי ערי ארצך והרסתי  
 כל מבצריך<sup>11</sup> והכרתי כשפים מידך  
 ומעוננים לא יהיו לך<sup>12</sup> והכרתי פסיליך  
 ומצבותיך מקרבך ולא תשתחוה עוד  
 למעשה ידיך<sup>13</sup> ונתשתי אשיריך מקרבך  
 והשמדתי עריך<sup>14</sup> ועשיתי באף ובחמה  
 נקם את הגוים אשר לא שמעו ׀

דבר<sup>5</sup> כי כל העמים ילכו איש בשם  
 אלהיו ואנחנו נלך בשם יהוה אלהינו  
 לעולם  
<sup>6</sup> ביום ההוא נאם יהוה אספה הצלעה  
 והנדחה אקבצה ואשר הרעתי<sup>7</sup> ושמתי  
 את הצלעה לשארית והנהלאה לגוי עצום  
 ומלך יהוה עליהם בהר ציון מעתה ועד  
 עולם ׀  
<sup>8</sup> ואתה מגדל עדר עפל בת ציון עדיך  
 תאתה ובאה הממשלה הראשנה ממלכת  
 לבת ירושלים<sup>9</sup> עתה למה תריעי רע  
 המלך אין בך אם יועצך אבד כי החזיקך  
 חיל כיולדה<sup>10</sup> חולי וגחי בת ציון כיולדה  
 כי עתה תצאי מקריה ושכנת בשדה  
 ובאת עד בבל שם תנצלי שם יגאלך  
 יהוה מכף איביך<sup>11</sup> ועתה נאספו עליך  
 גוים רבים האמרים תחנף ותחזו בציון  
 עינינו<sup>12</sup> והמה לא ידעו מחשבות יהוה  
 ולא הבינו עצתו כי קבצם כעמיר  
 גרנה<sup>13</sup> קומי ודושי בת ציון כי קרנך  
 אשים ברזל ופרסתיך אשים נחושה  
 והדקות עמים רבים והחרמתי ליהוה  
 בצעם וחילם לאדון כל הארץ<sup>14</sup> עתה  
 תתגדדי בת גדוד מצור שם עלינו בשבט  
 יכו על הלחי את שפט ישראל ׀

**5** ואתה בית לחם אפרתה צעיר להיות  
 באלפי יהודה ממך לי יצא להיות מושל  
 בישראל ומוצאתיו מקדם מימי

Q Marks a place where we agree with BHQ against BHS in reading L.

p We read punctuation in L differently from BHS.

תפלט לחרב אתן<sup>15</sup> אתה תזרע ולא  
תקצור אתה תדרך זית ולא תסוך שמן  
ותירוש ולא תשתה יין<sup>16</sup> וישתמר חקות  
עמרי וכל מעשה בית אחאב ותלכו  
במעצותם למען תתי אתך לשמה וישביה  
לשרקה וחרפת עמי תשאו פ

**7** אללי לי כי הייתי כאספי קיץ כעללת  
בציר אין אשכול לאכול בכורה אותה  
נפשי<sup>2</sup> אבד חסיד מן הארץ וישר באדם  
אין כלם לדמים יארבו איש את אחיהו  
יצודו חרם<sup>3</sup> על הרע כפים להיטיב השר  
שאל והשפט בשלום<sup>pQ</sup> והגדול דבר הות  
נפשו הוא ויעבתוה<sup>4</sup> טובם כחדק ישר  
ממסוכה יום מצפיך פקדתך באה עתה  
תהיה מבוכתם<sup>5</sup> אל תאמינו ברע אל  
תבטחו באלוף משכבת חיקך שמר פתחי  
פיך<sup>6</sup> כי בן מנבל אב בת קמה באמה  
כלה בחמתה איבי איש אנשי ביתו<sup>7</sup> ואני  
ביהוה אצפה אוחילה לאלהי ישעי  
ישמעני אלהי<sup>8</sup> אל תשמחי איבתי לי כי  
נפלתי קמתי כי אשב בחשך יהוה אור  
לי ם<sup>9</sup> זעף יהוה אשא כי חטאתי לו  
עד אשר יריב ריבי ועשה משפטי יוציאני  
לאור אראה בצדקתו<sup>10</sup> ותרא איבתי  
ותכסה בושה האמרה אלי איז יהוה  
אלהיך עיני תראינה בה עתה תהיה

Q Marks a place where we agree with BHQ against BHS in reading L.

p We read punctuation in L differently from BHS.

**6** שמעו נא את אשר יהוה אמר קום  
ריב את ההרים ותשמענה הגבעות  
קולך<sup>2</sup> שמעו הרים את ריב יהוה  
והאתנים מסדי ארץ כי ריב ליהוה עם  
עמו ועם ישראל יתוכח<sup>3</sup> עמי מה עשיתי  
לך ומה הלאתיך ענה<sup>pQ</sup> כי העלתיך  
מארץ מצרים ומבית עבדים פדיתך  
ואשלח לפניך את משה אהרן  
ומרים<sup>5</sup> עמי זכר נא מה יעץ בלק מלך  
מואב ומה ענה אתו בלעם בן בעור מן  
השטים עד הגלגל למען דעת צדקות  
יהוה<sup>6</sup> במה אקדם יהוה אכף לאלהי  
מרום האקדמנו בעולות בעגלים בני  
שנה<sup>7</sup> הירצה יהוה באלפי אילים ברבבות  
נחלי שמן האתן בכורי פשעי פרי בטני  
חטאת נפשי<sup>8</sup> הגיד לך אדם מה טוב ומה  
יהוה דורש ממך כי אם עשות משפט  
ואהבת חסד והצנע לכת עם אלהיך פ  
<sup>9</sup> קול יהוה לעיר יקרא ותושיה יראה  
שמך שמעו מטה ומי יעדה<sup>10</sup> עוד האש  
בית רשע אצרות רשע ואיפת רזון  
זעומה<sup>11</sup> האזכה במאזני רשע ובכיס  
אבני מרמה<sup>12</sup> אשר עשיריה מלאו חמס  
וישביה דברו שקר ולשונם רמיה  
בפיהם<sup>13</sup> וגם אני החליתי הכותך השמם  
על חטאתך<sup>14</sup> אתה תאכל ולא תשבע  
וישחד בקרבך ותסג ולא תפליט ואשר

Q Marks a place where we agree with BHQ against BHS in reading L.

p We read punctuation in L differently from BHS.

למרמס כטיט חוצות<sup>11</sup> יום לבנות גדרִיך  
 יום ההוא ירחק חק<sup>12</sup> יום הוא ועדיך  
 יבוא למני אשור וערי מצור ולמני מצור  
 ועד נהר וים מים והר ההר<sup>13</sup> והיתה  
 הארץ לשממה על ישביה מפרי  
 מעלליהם ׀ רעה עמד בשבטך צאן<sup>14</sup>  
 נחלתך שכני לבדד יער בתוך כרמל ירעו  
 בשן וגלעד כימי עולם<sup>15</sup> כימי צאתך  
 מארץ מצרים אראנו נפלאות<sup>16</sup> יראו גוים  
 ויבשו מכל גבורתם ישימו יד על פה  
 אזניהם תחרשנה<sup>17</sup> ילחכו עפר כנחש  
 כזחלי ארץ ירגזו ממסגרתיהם אל יהוה  
 אלהינו יפחדו ויראו ממך<sup>18</sup> מי אל כמוד  
 נשא עון ועבר על פשע לשארית נחלתו  
 לא החזיק לעד אפו כי חפץ חסד  
 הוא<sup>19</sup> ישוב ירחמנו יכבש עונתינו  
 ותשליך במצלות ים כל חטאותם<sup>20</sup> תתן  
 אמת ליעקב חסד לאברהם אשר נשבעת  
 לאבתינו מימי קדם

---



---

End of Micah

# The Westminster Leningrad Codex

Version 4.16

## Micah

Attributed to:

**Shemu'el ben Ya'akov**  
**Aharon ben-Mosheh ben-Asher**  
*ca 1008*

Active maintenance of machine-readable version:

*Stephen K. Salisbury, Editor*  
**steve@grovescenter.org**

*Kirk E. Lowery, Senior editor*  
**kirk@grovescenter.org**

Transcription to Unicode/XML:

*Christopher V. Kimball*  
**transcriber@tanach.us**

Edition:

**Unicode/XML Westminster Leningrad Codex**

**<http://www.tanach.us/Tanach.xml>**

Transcribed by WLC2XML of 6 Jun 2010 at 01 Jun 2012 @ 10:24:07. Build number:  
23.0. Converted to ODT by XML2ODT.xml dated 22 Dec 2010 on 2012.06.01-10.27.  
Build number: 23.0 . 6 pages. Layout: Full; Content: Consonants.

**This document is in the public domain.**